



نیپال ۽ گچیل

نبشته کار: مزدک بلوچ

بلوچ اسٹوڈنٹس آرگنائزیشن آزاد

www.bsoazad.org

نیپال زرباری ایشیا ۽ یک بے زریں استانی (Landlocked country) کہ همالیہ ۽ برپ بستاگیں کوهانی کش ۽ گورۂ انت۔ ایشی ۽ زمینی ٹک ۽ جاہ نہ ایوک ۽ ایشی ۽ تہی جاورہالانی سرۂ بلکیں آئی ۽ سیاسی بندپتر ۽ سرۂ ہم مزنیں سانے دور داتگ۔ نیپال ۽ سیمسر ہستیں وھدۂ گوں ایشیا ۽ دو مزنیں تاکتاں ہندوستان ۽ چین ۽ ڈک ور انت۔ اے استان ۽ رودرتک، روبرکت ۽ زربار ۽ گوں ہندوستان ۽ سیمسر انت ۽ دومی نیمگ ۽ گوریچان ۽ گوں چین (تبت) ۽ سیمسر انت۔ نیپال وتی جغرافیہ یے بنیاد ۽ مدام مزنیں تاکتانی نیام ۽ بفر استانے جوڑ بوتگ۔ برتانیہ ۽ دور ۽ نیپال سرجم ۽ ایردستیں زمینے نہ بوتگ بلکیں برتانیہ ۽ ایسٹ انڈیا کارہانہ یے ۽ چین ۽ میان ۽ تاکت ۽ گر ۽ چیل ۽ یک حساب ۽ برجہ دارگ ۽ ہاترۂ نیم وت واجہیں استانے ۽ بستار ۽ دارگ بوتگ۔ ہمے زمینی ٹک ۽ جاہ مرچی ہم نیپال ۽ سیاست ۽ درملکی سیادیانی تہ ۽ مزنیں پیسلہ کنوکیں کردے پیلو کنت۔ نیپال ۽ سیاسی گوستانک چو کسان بر ۽ آدگہ دمگانی وڈ ۽ ہم یکشل ۽ چست ۽ ایر، اُلسی جاک ۽ سلواتاں ہوار دری جتائیں زور ۽ گہگیریاں چہ گوازان انت۔ سداں سالانی بادشاہت ۽ پد بیستمی کرن ۽ میان ۽ جمہوریت ۽ نیمگ ۽ روت بلے اے جمہوری سرکار اوں وتی ہندالان مہکم کرت نہ کنت ۽ یکبرے پدا بے سوب بیت۔ برے رانا کپول وتی سرکارے جوڑ کن انت، برے شاہی ہاکمیت ۽ برے گس جنگی نیپال ۽ وتی امبازاں زوریت ۽ یک مان گیش اتگیں ۽ بے رھبندی ۽ نیمگ ۽ کش ایت۔

نوزدھمی کرن ۽ وھدے زورگیریں برتانیہ ۽ کسان بر ایردست کت گڑا نیپال چہ آئی ۽ سانان نہ رک ات۔ انگریز ۽ نیپال ۽ استان ۽ نیام ۽ اینگلو نیپال ۽ جنگ (1814-1816) کہ بیت گڑا ایشی ۽ بنیاد ۽ نیپال وتی بازیں دمگ، "سوگولی منگ نامگ" ۽ رد ۽ برتانیہ ۽ ایسٹ انڈیا کارہانہ ۽ داتگ انت۔ اے منگ نامگ ۽ نیپال ۽ ہاکمیت ۽ را نیم آجوئیں بستارے دنت ۽ برتانیہ ۽ نیپال ۽ تہ ۽ توکی سیاسی جیڑباں گیشیں دزمانجی ۽ چہ ساغند کنت۔ اگاں نیپال سرجمیں برتانیہ ۽ کالونی یے جوڑ نہ بیت بلے آئی ۽ درملکی شوربندیانی ۽ پوجی چست ۽ ایرانی تہ ۽ برتانیہ ۽ تچک ۽ دزمانجی گندگ بوتگ انت۔ انگریز نیپالی مہلوک گیش وتی لشکر ۽ تہ ۽ برتی کنت کہ آیاں اولی ۽ دومی جہانی جنگانی تہ ۽ مزنیں کردے پیلو کتگ۔ دومی جہانی جنگ ۽ پروش ورگ ۽ پد برتانیہ اے دمگ ۽ سرجمیں استانان آجو کنت ۽ وت اد ۽ چہ درکیت۔ گڑا 1951 ۽ اُلسی گہگیری ۽ ہندوستان ۽ کمک ۽ رانا ۽ سرکار ہلاس کنگ بیت ۽ اولی رند ۽ پارلیمانی ہکومتے کیت ۽ وتی سرکار ۽ ٹھین ایت۔ بلے سیاسی پاڑیانی تہی جیڑہ، مہلوک ۽ مال ۽ مڈیانی لٹ ۽ پل ۽ چہ لس مہلوک اے سرکار ۽ سرۂ یک زربے ہم بیسہ نہ دار انت۔ پدا 1959 ۽ نیپال ۽ اولی لس گچینکاری بوت کہ نیپالی کانگرس (NC) ۽ بشویشور پرساد مزن وزیر جوڑ بیت۔ بلے یک سالے ۽ پد بادشاہ مہندر بیر ۽ بشویشور پرساد ۽ سرکار ۽ را دور دنت۔ پدا ہما کوهنیں بادشاہی ہاکمیت ۽ سرۂ زور دنت کہ "پنچایت" ۽ نام ۽ زانگ بوتگ، یک ہنچیں پارٹی یے کہ نوکیں دور ۽ پارٹی رھبنداں سرگوز کنت ۽ چہ سئے دھکاں گیش نیپال ۽ سر ۽ بادشاہ ۽ سروکی ۽ کنت۔ اُلسی سیاسی چست ۽ ایرانی کم کنگ ۽ پد نیپال ۽ نودربر ۽ ہمک تک ۽ مردم زھرشانی ۽ ہمکروچ گوں کھٹمندو ۽ شہر ۽ بازاں بند کن انت بلے سرکاری زور گیش بیت۔ سیاسی ۽ وانگی اصلاح ۽ واستہ ۽ کیمپسانی تہ ۽ 1970 ۽ 1980 ۽ دھکاں مہلوک

مزین کچے ء درکایت۔ سئے سالان یکشل ء برجایی زهرشانی ء گڈ سر ء 1990 ء "پنچایت" ء حکومت هلاس کنگ ء پارلیمانی سیاست ء دروازگ پدا پچ کت آنت۔

سلاہندی کپگیری ء نیپال ء جمہوری حکومت ء جوڑشت:

1996ء 2006ء نیام ء نیپال ء کمیونسٹ پارٹی (ماؤسٹ) ء سلاہندی گل ء سروکی ء جنگے بندات کت کہ آئی ء مول ء مراد جمہوری حکومت ء بهال کنگ ء بادشاہت ء سرء ارش کنگ ات۔ اے جنگ ء ده ہزار ء چہ گیش مردم بیران بیت۔ 2006 ء سیاسی پارٹی، سول سوسائٹی ء نودربرانی هواریں زهرشانیان چہ بادشاہ گیانیندر لاچار بیت کہ وتی بادشاہت ء چہ دزکش بہ بیت۔ اے زرمبشت ء پد بادشاہی هلاس کنگ ء 2008 ء نیپال ء جمہوری حکومتے ء جار جنگ بیت۔ اے جمہوری سرکار ء جوڑشت ء پد نیپال ء تہ ء سئے مزین سیاسی پارٹیان؛ نیپال کمیونسٹ پارٹی (CPN Unified Marxist Leninist) نیپال کمیونسٹ پارٹی (CPN-Moist Center) ء نیپالی کانگریس (NC) ء میان ء کوالیشنے جوڑ کنگ بیت همے سئیں پارٹی چارده رند ء نیپال ء حکومت ء سروکی ء کت۔ کے پی اولی کہ 9 ستمبر ء السی زهرشانی ء سرکاری اوتاکانی ماندارگ ء پد استعفی داتگ ات اے آئی ء چارمی رند بیت کہ نیپال ء حکومت ء سروکی ء کنگ ء بیت، اے نیپال ء سیاسی بندپتر ء سلتزیر سروزیر بوتگ۔ تجزیہ کارانی گشگ انت کہ اولی سرکار ء انوگیں سوشل میڈیا ء سرء بندش جنگ ء چہ نیپالی مہلوک ء گوستگیں ٹپانی سرء واد جنگ ء برابر بوتگ، مہلوک ء برداشت ء جواب داتگ دیم ایشی ء گڈی پسو "جنریشن زی" ء زرمبش آسر ء گندگ ء کیت اے زرمبش هما پنجاہ، شست سالی نیپالی حکومت ء کرتنانی مڑ آنت کہ مہلوک ء داتگ آنت۔ همے درگت ء کھٹمندو ء نندوکیں پٹ ء پولی اھوالکار رجنیش بھنڈاری ء گشگ انت کہ اے زهرشانی ء چہ هاکمانی بگیری ء نامیتی ء درشانی بوتگ کہ آ کرپشن، نیپوٹزم (نیپوٹزم) ء چہ مراد وتی نزیکیں، سیاد ء وارس یا نزیکیں مردمانی چہ لس مہلوک ء گیش پلامرزی کنگ، آئی ء را زر ء مال دیگ همے هاتر ء اُلس اے عمل ء سرء نگد کن انت پرچا کہ اے انسپ دوستی ء ہم برابری ء هلاس کنت) ء نیپالی لس مہلوک ء تنگ دستی ء مستزیر سوب همے هاکم ء آیانی برگشتگیں زھگ بوتگ آنت۔ اے گپ ء چہ پدر بیت کہ نیپال ء ورنایان حکومت ء بگیری ء وتی دراجیں مدتے ء لہڑ درشان کرتگ آنت کہ هما سرکار ء آیانی لوٹ ء گزراناں دلگوش نہ داتگ، یا گون آیان نرمیں وڈے ء گند ء نند نہ کتگ ء وتی مردمی سیت ء نپ دیم ء ایر کرتگ آنت ء سرکار جنزینتگ۔



چوناہا دنیا گوں تیز گامی ء جتا جتائیں وھد ء باریگاں چہ مزین مٹی ء دیمروپی ء گوزان
 انت، ہر آؤکیں پدريچ ء یکشل ء مٹ بوکیں دنیا ء تہ ء وتی چاگردی لوٹ ء گزر بنت، آ گزرانکی،
 ٹیکنالوجیکل ء سیاسی بنت کہ ہما پدريچ ء بلاہیں کچے ء سامند کن انت۔ اے ہما نوکیں دور ء
 پدريچ انت کہ آ گشیت انسانی بندپتر ء تیزی ء دیمروپی کنوکیں ء ٹیکنالوجی ء زانتکارتیریں آبادی ء
 چہ یکے۔ انٹرنیٹ، چاگردی رسانکدر ء ٹیکنالوجی ء گوں دنیا ء پیداک بوتگیں "جنریشن زی" یک
 جتائیں مانا ء بزانت دیگ ء انت کہ مردم چوں یکے دومی ء انٹرایکٹ بہ کن انت، چوں وتی شعوری
 بودشتاں بہ تراش انت یا چوں کار کن انت۔ اے پدريچ اچ وتی بوتن ء روچاں ہما دنیا ء زندگ بوتگ
 کہ اُد ء سمارٹ فون، سوشل نیٹ ورک ء زانت ء زاشت ء تیوگیں دز رسے ہست انت۔ آ چہ ودی
 بوگ ء روچاں ہمے ڈیجیٹل دنیا ء تہ ء زندگ انت۔ جنریشن زی ء سرپد بوگ ارزاں نہ انت پرچاکہ
 ایشی ء کارپدانی جند جتائیں استانی تہ ء جتائیں دروشم ء گندگ بنت۔ بلکیں اے ہما آشوبی ورنہ
 انت کہ دنیا ء تہ ء یک مزین مٹی ء لوٹ کنگ ء انت نہ تہنا نیپال ء تہ ء ہستیں وھد ء دنیا ء
 بازیں استانی تہ ء ہمے جنریشن زی ء ورنایاں گہگیری ء چاگردی رسانکدر ء بنیاد ء سرجمیں
 استانی سرکار دور داتگ انت۔ آیانی کرد ہر راج ء استان ء تہ ء جتا گندگ ء کیت آجوئیں استانی تہ
 ء اے پدريچ گوں ہما کرپٹیں ء سلکاریں سروکاں گر ء چیل انت ء دومی نیمگ ء ایردستیں راجانی
 تہ ء اوں ہما کبڑہ گیر ء زلم ء زوراکی ء دیم ء اوشتاگ انت۔ اے زانگ ء ہاتر ء کہ جنریشن زی چی
 یے؟ مارا تہنا اے بنیاد ء چارگی نہ انت کہ آ 1990 ء 2010 ء میان ء ودی بوکیں رونا انت بلکیں
 ایشاں یک جہانی زرمبشت ء ہساب ء مہلوک ء دروشم ء بچار این کہ مزین بدلی یے آرگ ء انت۔
 پرچاکہ اے چہ درستان گیش سرپدیں، وانندیں گوں مہلوک ء گیش نزدیک تریں ء آیانی دردانی
 منوک زانگ بنت۔



ستمبر 2025 ء گون نیپال ء ھکومت ء بیست ء شش چاگردی رسانکدر ء فلیٹ فارمرزانی سرء بندش جنگ ء نیپالی لس مھلوک ء ھوار ھما رونایاں کہ آچہ ودی بوگ ء روچاں ھمے ڈیجیٹل دنیا ء تہ ء زندگ آنت ھکومت ء اے عمل درشان ء آجوتی ء سرء یک مزین استانی اُرشے سرید بوتگ آنت۔ ھاکمیں تبک ء واسطہ اے الس ء نگدانی بے توار کنگ ء وتی رکنگ ء یکیں راہ ء در بوتگ کہ چاگردی رسانکدر ء سرء بندش بہ جن آنت۔ بلے پہ ورنایاں اے وتی آجوتی، وتی توار ء وتی ھمکروچگیں زند گوازیںگ ء رھبند ء سرء اُرشے لیک اتگ ء بندش ء چندیں کلاکاں پد کھٹمنڈو ء آدگہ مزین شہرانی راہ ء دگ نیپالی ورنہ ء مھلوک ء چہ سرچ بنت۔ زھرشانی ء بندات کنوک تہنا لھتیں مردم بنت بلے آیانی کچ یکشل ء ودان بیت داں سئے چار کلاکاں پد لکھانی کساس ء ھر تبک ء مھلوک، کھٹمنڈو ء شہرے میانجی ء متیگر منڈلا ء گون پلے کارڈاں اوگام جنان مچ بنت ء وتی زھرگ ء درشان کنگ ء ھاترء ھرچ وسیلہ یے کہ دست کپتگ ات آیان کارمرز کنگ۔ نوں ورنایانی لوٹ ء اگام ایوک ء گون چاگردی رسانکدر ء بندش ء بندوک نہ ات بلکیں ھما مردم کشیں شوربندی ء زوراکسانی سرء ات انت کہ گوستگیں بازیں ھکومتان کنان پیداک آنت۔ پنچ روچانی تہ ء نیپالی ورنایاں سرجمیں نیپال ء سیاسی بندپتر ء مسترین زھرشانی گون پارلیمنٹ ء سرء اُرش کنگ ء آس دیگ بیت، صدر ء اوتاک ء سرء اُرش کنگ ء ھوار سرکاری کارگس ماندراگ بنت۔ راہ ء دگ چہ کرپشن، نیپوٹزم ء زلم ء بگیری ء اوگامان زھرشانی کنوکاں سرء زرتگ آنت۔ اے میان ء کم چہ کم نوزده مردم بیران بیت۔ سی ء یک ہزارء چہ گیش زندانی چہ زنداناں تچ آنت، کھٹمنڈو ء یکیں روچ ء تہ ء "جنریشن زی" ء ورنایاں جنگ ء میدان جوڑ کنگ آنت۔ سرکار گون تاکت ء زور ء اے السی مچی ھلاس کنگ ء شنگ ء شانگ کنگ ء جہد ء پوج کھٹمنڈو ء مانرپیت، کرفیو ء جار جنگ بیت۔ میان استمانی بالی پٹ بند کنگ بنت۔ بلے پوج ھم گڈسر ء تاکت ء روز ء اے زھرشانیان ھلاس کرت نہ کنت ھالانکہ بلاھیں کساسے ء مردم زدگ ء مردگ بنت بلے زھرشانی انگت برجاہ بیت۔ بلکیں پوج ء لٹ ء کٹ ء چہ اے ورنہ گیش مھکم بوتگ ات آنت ء ورنہ ھچ رنگ ء پُشت کنزگ ء جاڑیگ نہ بنت۔ 13 ستمبر 2025 ء نیپال ء سیاست ء تہ ء یک مزین بدلی یے کیت کہ مزن وزیر کے پی شرما اولی استعفیء دنت آئی ء زوال نہ چہ پارلیمانی یاسیاسی پارٹیانی بگیری ء بوتگ نہ دگہ پوجی گپچل ء سبب ء بلکیں اے ھما ورنایانی سیاسی شعور ء بالاد بوتگ کہ آئی ء سرکار ایش ھلاس کرتگ۔ اے چہ نیپال ء جتاہیں ھلک ء کوچگانی نشتگیں مردمانی مسترین تاکت ء ھاسکر ورنائیں پدریچ ات کہ آیان چہ گیشتریں بے توارى ء کرپشن ء منگ ء انا ء کنگ آت۔ آئی ء جاہ ء پیسریگیں چیف جسٹس سشیلا کارکی ء را عبوری مزن وزیر جوڑ کنگ۔ نیپال ء سیاسی بندپتر ء اولی رند ء یک جنینے ء سروریزی ء اگدہ رستگ۔ پارلیمنٹ ھلاس کنگ بوت، مارچ 2026 ء گچینکاری ء جار جنگ بوت، ء سوشل میڈیا ء سرء بندش ھلاس کنگ بوت انت۔ جنریشن زی ھستیں وھد ء آشوب ء مسترین چہرء دروشم زانگ بیت۔ اینچوکیں مزین مٹی آرگ ء ھچ وڈ ء مانا ء متلب وتی زاتی نپ ء سیت نہ بوتگ آنت بلکیں اے ھما بد بوداریں سیاسی روست ء کرپشن ء وت واپی ء بد کرداریں سیاسی پارٹیانی ء آیانی ھما وت وش زندیں چک ء چہ ھکومت ء کبزه یے ھلاس کنگ ء بارو ات کہ آئی ء گون ھما ورنہ ء مھلوک ء دگا کنگ آت۔ ادء چہ یک ھبرے تچک بیت ورنہ کہ باز براں سستیں یا ھچ نہ کنوکیں مردمے ء بستار ء یل دیگ بنت، آ گون ھمت ء حوصلہ ء مھکم بوت کن آنت۔ آیانی اے سلھیں زرمبشت ء چہ اے زانگ بوت کہ ھمت ء جوزگ ء گون اگان یکے ھرچی بلوٹیت آ بوت کنت۔ بلے

هما جوزگ ء سلپين همت به بيت۔ يک گپے پدر بيت که اے ڈيجيٽل دور ء مردمانی يکجاہ کنگ ء تاکت ء آيانی تاکت ء مچانکی شکل ء کارمرز کنگ ء بودشت رسانکدر ء چاگردی رسانکدر ء ته ء انت، ايشی ء دروران ما چه عرب اسپرنگ بزوریں يا دنيا ء ته ء هر هما جنزیشن زی ء زرمبشت که چست بوتگ انت گڑا درستان چه مستریں بهرشت آ زرمبشتانی ته ء رسانکدر ء چاگردی رسانکدر ء بوتگ۔ اے مهلوک ء راه ء دگانی سرء درکپگ ایوک ء زهرشانی یے نه بوتگ، بلکه اے دنيا ء نیپالی آؤکیں پدریچ ء واسته یک پنتے بوتگ که گون روزاکیں تاکتاں چه چوں ء چیتور رکگی انت۔ نیپال ء جنزیشن زی ء سرکار گون تپنگانی زور ء یا گون مېب ء توپاں نه بلکه گون مهکمیں همت ء مچانکی جهء ء گون هلاس کت۔ آياں گون ترندی ء جار جت ء گشت که جمهوریت زهریدانی داتگیں سوگات نه انت بلکه یک راجے ء گپتگیں بنکی هک انت۔ اے آشوب هر وهء ء باریگ ء نیپال ء کسانیں کچے ء مردمانی هما جوزگ ء همت ستک شانی ء گون یات کنگ بیت، که یک آشوبی تاکتے ء دروشم ء پاد اتکگ ات انت ء کرپشن ء زوراکانی هندال چه بن ء ولگوج کرتگ ات انت ء استان ء را وتی آجوئی ء لوٲ ء دیم ء سر جهل کنگ ء لچار کتگ انت۔ نیپال ء ورنایاں دنيا ء هاتر ء یک مزنیں درورے ایر کت دانکه باندات ء پدریچ همے کار نامگاں چه درونت بزور انت ء آؤکیں وهء ء هما مردمان چوشیں توکل ء کارانی واسته دیمروبی ء جرت ء داشت به کن انت۔ اے زهرشانی ایوک ء تهنه چاگردی رسانکدر ء بابت ء نه بوتگ انت۔ آ انساپ، هساب ء کتاب ء شریپمندیں زندے گوازینگ ء هک ء بابت ء بوتگ انت۔ دنيا ء را اے پیش داشت که وهء ورنه يکجاہ بنت گڑا کبزه گیر ء هوار هر هما سرکار که لس مهلوک ء نپاں چه گیش وتی ذاتی نپ ء سیتاں چاریت آ اے ورنایانی توکل ء جزیگ ء دیم ء اوشنگ ء هائیگ ء نه داریت۔



نیپال ء جنزیشن زی ء تمه هیمی نیپال ء آئی ء کرد:

ستمبر 2025 ء نیپال ء جنزیشن زیڈ ء زرمبشت ء چست بوگ ء پد یک گلے "هیمی نیپال" گون گوشادی ء وتی همکاریں مردمان مچ کنت اے شنگ ء شانگیں اُلس ء یکمشتی ء گون جنزگ ء

پنت ۽ سلاه ۽ دنت اے زرمبشت ۽ سروکی ۽ کنت۔ هیمی نیپال (هیمی نیپال ۽ چه مراد نیپالی مهلوک ۽ مدد ۽ کمک کنوک) بن اسل ۽ 2015 ۽ نیپال ۽ ته ۽ بوکیں زمین چنڊ ۽ وهداں دیم ۽ کیت که اے یک ویلفیئر گلے یے دروشم ۽ زمین چنڊ ۽ چه سامنندیں مردمانی مدد ۽ کمک ۽ کن انت ۽ دگه چونیں هم چاگردی جیڑه به بیت، هیمی نیپال ۽ باسک ۽ سروکانی منگ همیش آت که هر کارے ما کن این په لس نیپالی مهلوک ۽ وش ۽ وشهالی ۽ کن این۔ نه اے سیاسی گلے بوتگ ۽ نئیکه دگه سیاسی پُشت ۽ پناہے بوتگ ئے۔



بلے انگت ۽ اے ورنایانی گپگیری یے بیت که وت ۽ را سکیں کسانیں وهده یے ته ۽ نیپالی لس مهلوک ۽ دلانی ته ۽ جاه دیگ ۽ سوهند بیت ۽ یک انچیں زرمبشته یے سروکی ۽ کنت که مرچی دنیا ۽ دومی استاناں هم اے زرمبشت سر چست کنگ ۽ آنت۔ هیمی نیپال چه یک دراجیں مدته ۽ نیپالی مردمانی کمک کنان ۽ هر جیڑه ۽ جنجال ۽ وهده ۽ گون لس مهلوک ۽ هم کوپگ بوتک اے کارپدانی مز ۽ هیمی نیپال ۽ آتی ۽ همکاراں لس چاگرد ۽ ته ۽ په وت بلاهیں بیسه یے جوڑ کنگ ات۔ اے ورنه ابید دگه لوٹ ۽ مکسد ۽ تهنا وتی چاگرد ۽ وشهالی ۽ په انچو تواهند ات انت ۽ همے سوڀ ۽ لس مردم آیانی سر ۽ بیسه دارگ ۽ ات انت۔ وهده که سرکار 26 چاگردی رسانکدر ۽ پلیٹ فارمانی سر ۽ بندش جنت گڑا جنریشن زی ۽ زهرشانیانی مهکم کنگ ۽ یکمشت کنگ ۽ مزین زلورت گندگ ۽ کیت گڑاهیمی نیپال ۽ وتی تواهندی ورنه مچ کرت آنت اے زرمبشت ۽ سروکی ۽ سوهند کنگ ۽ ڏبه زرت انت ۽ لس مهلوک انچو منظم ۽ یکمشت کرت آنت که آتی ۽ مز سرجمیں جهان ۽ دیستگ آت۔ اے پنچ روچ ۽ چست ۽ ایرانی وهده ۽ هیمی نیپال هر دمک ۽ دگانی سر ۽ ساڑی ات۔ آتی ۽ باسکان اے شنگ اتگیں مهلوک زرت ۽ یکجاه کرت، زهرشانی ننداک جوڑ کرت ۽ رهوت ۽ روانی ۽ را برجاه داشتگ ات که سرجمیں رهوتکاری ۽ اوزار بند کرتگ ات انت۔ آیان نودربر، سوشل ایکٹیوسٹ، اهوکار ۽ جهدکارانی شنگ ۽ شانگیں گلانی نیام ۽ پهل ۽ کردار پیلو کرتگ۔ هیمی نیپال ۽ نامداری گون آتی ۽ سرمستر سوڏان گرونک ۽ بندوک ات۔ گرونک نا پارلیمانی سیاست دانے ات نئیکه پیسر چوشیں مزین سیاسی سر ۽ پُراں گون بوتگ، بلکهی آتی ۽ هما داتگیں مهر بوتگ انت که آتی ۽ چه یک دیک ۽ گیش مهلوک مدت ۽ کمک کنگ ۽ انت۔ آ چه چونیں هم جیڑه ۽ جنجالاں گون دوچار بوتگ ات، ایمانداری ۽ وتی مردمانی هزمت ۽ آتی ۽ بجارے ۽ ته ۽ گیشی آؤرتگ که یک نامداریں مردمے زانگ بیت۔ اے زهرشانیانی وهده ۽ آ چه هما رهشوناں یکے بوتگ که ورنه ۽ سرکاری

واکدارانی میان ء گپ ء ترانہ راہ شوہاز اتگ ء اے زرمبشت گوں سوہمندی ء یک آسرے ء آؤرتگ ء سر کتگ۔ اے مرچی نیپال ء ورنہ ء مردمانی دیم ء یک منتگیں آشوبی چیدگ ء دروشم ء چارگ بیت۔ سوڈان گورنگ ء جاڑی بوگ ء بازیں مردم دلجم ات انت کہ اے زهرشانی ایوک ء پہ نیپالی سرکار ء کھرمان نہ بیت، بلکیں انساپ ء ہم برابری سازوک ء پلگاروک انت۔ ہیمی نیپال ء کرد اے زهرشانی ء تہنا دگ ء دمکاں داں آسر نہ بیت۔ مزن وزیر کے پی شرما اولی استعفی دیگ ء پد، نیپال ء تہ ء یک نہ گیگیں جاور کنڈ ہالی بیت، بزاں (Power vacuum) بیت، گڑا پوج اے جاور ہال ء ہلاس کنگ ء ہاتر ء وتی پاداں ایر کنت ء ہیمی نیپال ء ہما ورنہ کہ اے زرمبشت ء رہشونی ء کنگ ء بنت گوں پوج ء نندگ ء گپ ء تران بندات کن انت۔ آدگہ جنریشن زی ء سروکانی ہمراہی ء ہیمی نیپال ء نیپالی پوج ء گوم ء عبوری ہکومت ء جوڑ کنگ ء ہاتر ء مذاکرات ء بہر زرتگ۔ اے پہ لس مہلوک ء بے درویریں کمکی گلے ء اناگت ء راج ء آؤکیں وھد ء سیاسی پیسلہ کنگ ء رہشونی کنت۔ ہاسکر اے ورنایانی ہوار بوگ اے گپ ء پدر کنت کہ تاکت ء ہکومت ء ٹرانزیشن ء تہ ء ورنایانی مسترین دست انت چونہا ہر راج ء ورنہ آئی ء باندات مڈی ء پھازوک انت۔ ہیمی نیپال ء اے زهرشانی ء بہر زورگ ء نیپال ء سیاسی رہبند ء چہ نیپال ء سیمسراں دیم یک نوکیں امتیے زانگ بوت۔ اے گپ ء چہ پدر بیت کہ کرائسز ء ساھت ء ہزمت ء بیسہ داری ء تہ ء جوڑ بوتگیں آشوبی گل گیش مہکم جوڑ بوت کن انت۔ اے زرمبشت ء یکمشت کنگ، ورنایانی توار ء گوں ہم توار بوگ ء بدلی ء ہاتر ء گپ ء تران کنگ ء ہیمی نیپال ء جنریشن زی ء آشوب ء یک سرجمیں آشوبی ء سیاسی مکسد ء تہ ء بدل کنگ ء کمک کت ء سشیلا کرکی ء عبوری مزن وزیر ء بستار ء گچین کنگ، پیسرگیں سرکار ء ہلاس کنگ ء نوکیں گچینکاریانی جار ء جنگ۔ اے درستیں چیز ہما السی تاکت ء پد ء بوتگ انت کہ ہیمی نیپال ء وڈیں گلاں ایشی ء برجاہ دارگ ء ہر وڈیں کمک کتگ۔ 2025 ء آشوب ء وھد ء ہیمی نیپال ء مسترین سیاسی سپر ء پدا یک سوہمندیں سپرے کہ آئی ء درستیں ستا ہما سروکانی شوربندیانی برورد بنت۔ چہ زمین چنڈ ء ابرمی توپاناں بگر داں آشوبی چست ء ایراں، چاگردی کار ء چلوپگاں بگر داں سیاسی گپ ء تراناں، اے یک بندپتری چیدگ جوڑ بوت کہ مچانکی جیڑبانی بنیاد ء لس مہلوک ء چون مزنین کردے پیلو کرت۔ آئی ء سروکاں ہاسکر سوڈان گورنگ ء جنریشن زی ء زرمبشت ء دیم ء آرگ ء یک توار جوڑ کنگ ء چہ اے گپ پدر بیت کہ اے السی آشوب ایوک ء نیپال ء سرکار ء ہلاس کنگ ء بارو ء نہ آت بلکیں دنیا ء دیم ء یک نوکیں نیپال ء جوڑشت سازی کنگی آت۔



چاگردی رسانکدر جنریشن زی ۽ آشوبانی ته ۽ بلاهین کردے پیلو کنگ ۽ انت، نیپال، انڈونیشاء، بنگلادیش ۽ دگہ اپریکی استانان جنریشن زی ہر موومنٹے بوتگ گڑا اُد ۽ مسترین کرد چاگردی رسانکدرے بوتگ، مردمانی موبلائز کنگ ۽ بگر دان یکمشت کنگ ۽ یا ہمے موومنٹ وت رسانکدر ۽ بندش جنگ ۽ سرۂ چست بوتگ انت چوشکہ نیپال ۽ درور مئے دیم ۽ انت۔ 2025ء سال ۽ چاگردی رسانکدر دنیا ۽ مچی ۽ زهرشانیانی نہ ایوک ۽ وسیلہ یے بوتگ، بلکیں مسترین اوزار ہم بوتگ۔ اے میاں ۽ سوشل میڈیا نہ تہنا یک وسیلہ یے بیت کہ ہمے روکیں آس ۽ گیش ژمبور کنگ ۽ کار ۽ کنت ۽ مہلوک ۽ استان ۽ شوربندیانی بگیری ۽ منظم کنگ ۽ مزین کمکے ہم کنت ۽ چو تپنگ ۽ ڈول ۽ جنگے برجہا داشتگ ات۔ ہستیں وهد ۽ چاگردی رسانکدر ۽ سرۂ بندش جنگ ۽ بزانت ہما شہری ورنایانی ساہ زورگ ۽ سرۂ بندش جنگ ۽ برابر انت۔ نیپال ۽ چاگردی رسانکدر ۽ بندش جنگ ۽ سرۂ لس مہلوک انچیں رنگے ۽ دگانی سرۂ در اتکگ انت گشے آیانی سرجمین زند ۽ سرۂ بندش جنگ بوتگ ات، اسل ۽ انوگیں وهد ۽ دنیا ہنچیں اوزارانی سرۂ جنزگ ۽ انت ۽ اے ہر راج ۽ مہلوک ۽ واسطہ المی شے زانگ ۽ آیانی بنکی ہک انت۔ بندیشاں چہ ابید ہم ورنایاں جتائیں راہ ۽ در شوہاز اِتگ، چاگردی رسانکدر ۽ کارمرز کنگ ۽ واسطہ۔ وی پی اینز، چیریں ایپس ۽ دگہ جتائیں پلیٹ فارماں سوشل میڈیا ۽ آشوب ۽ توار جوڑ بوت ۽ شنگ ۽ تالانیں مردمانی یکیں سرب ۽ مارچ کنگ ۽ ہائیگ دات۔ انچو کہ میڈاول زمانگ ۽ جنگی ڈھل ۽ لشکر یکجہا کتگ ات انت، مچی چاگردی رسانکدر ہمے رنگ ۽ ہیش ٹیگ ۽ وائرل پوسٹاں چہ مردم یک مکسدے یے بنیاد ۽ یکجہا کنگ ۽ انت۔ اے مچی یے پرشت ۽ پروش ۽ زهرشانیان تامور، اکس ۽ لائیو رسانکدر ۽ شنگ کتگ انت۔ اے عمل ۽ چہ نیپال ۽ آشوب تہنا نیپال ۽ تہ ۽ ساہمند نہ بوت بلکیں میان استمانی تک ۽ ہم گندگ بوت۔ چاگردی رسانکدر ہستیں وهد ۽ جہان ۽ ایردستیں مردمانی مسترین اوزار جوڑ انت کہ آستانی اسپانک ۽ دیم ۽ داشت کنت ۽ ہما ایردستیں مہلوک ۽ سرۂ بوتگیں لٹ ۽ پل بہ بیت یا گشت ۽ ہون آئی ۽ تچکیں دروشم دنیا ۽ راجانی دیم ۽ آرگ ۽ مسترین وسیلہ انت۔ استان ۽ چیردستیں رسانکدر بندات ۽ نیپال ۽ مردمانی تہنا چندیں گروپی نپانی زهرشانی ۽ وتگڑیں رنگ دیگ لوٹیت بلے چاگردی رسانکدر کہ چنریشن زی ۽ یک ۽ راستیں تپنگ بیت ہمائی ۽ کارمرز ۽ چہ سرجمین نیپالی سرکار ۽ پلامرزیں اسپانک ۽ پروش دینت۔ دنیا ۽ را اے کلہو ۽ دنت کہ لس نیپالی اے سرکار ۽ چہ دل تپرک نہ انت۔ ۽ دنیا ۽ پیش داشت کہ راستی چی انت۔ آیان استانی پشت پناہی کنوکیں رسانکدر ۽ جوڑ وت سازیں نیانیہ ۽ گون ایرموش کرت، ورنایانی لوٹ پدر کت انت ۽ چوشیں سرکار ۽ استانانی بگیری ۽ آشوب المی ئیں شے گشت۔ اے وڈۂ چاگردی رسانکدر ۽ راستی ۽ گہگیری ۽ مسترین سلاہ ۽ کار کت۔ وہدے مزن وزیر کے پی اولی شرما دزکش بیت ۽ چاگردی رسانکدر ۽ سرۂ جتگیں بندش ہلاس کنگ بنت گڑا لس مردمانی نیمگ ۽ چہ اے آیانی اولی سوہندی منگ بیت۔ اے بندشانی ہلاس کنگ آیانی واسطہ چہ یک ٹکنیکل دزرے ۽ گیش آیانی مچانکی توار ۽ دوبر بحالی ات۔ پہ ورنہاں اے چیدگے ات کہ آیانی جہد ۽ سرکار پہ گوشدارگ ۽ لاچار کتگ ات۔ اے نوکیں دور ۽ جاک (Uprising) ایوک ۽ راہ ۽ دگانی سرۂ نہ بنت بلکیں ہمے راہ ۽ دگانی زهرشانیانی ساہ مان کنگ ۽ مسترین وسیلہ اسکرین انت، بزاکہ تتی منی ۽ لس مہلوک ۽ دستے موبائل انت۔ مچی السی آشوبانی پیسلہ ۽ رسانکدر ۽ چاگردی رسانکدر کن انت کہ چوں بندات بنت، دیمروپی کن انت ۽ سوہمند بنت۔ نیپال ۽ 2025 ۽ جنریشن زی ۽ زرمبشت یک پدریں مسالے کہ ڈیجیٹل پلیٹ فارمز

گہگری ۽ توکل بکشوڪ ۽ انجن ۽ بستر ۽ چوڪار ڪٽ ڪٽ۔ نيپال ۽ ورنایانی آشوب ۽ اے گپ پڌر ڪٽ ڪٽ۔ رسانڪدر ۽ چاگردي رسانڪدر ايوك ۽ رهوت ۽ وسيله نه آنت۔ آ گہگری ۽ هما سلاه آنت ڪه راستی ۽ چیر ترینگ ۽ کدی نئیل آنت ۽ آجوتی ۽ چیدگ آنت۔ مچانکی جہد ۽ مانزمان جوڑ بوت ڪن آنت، زرمبشتاں برجاه دار آنت ۽ سوہندی ۽ گرگ ۽ مزنیں ڪمڪے ڪن آنت۔ ڈیجیٹل دور ۽ بچ آشوب ۽ زهرشانی ابید ایشاں سوہند نه بیت ۽ بچ هڪومت هما پدريچ ۽ بے توار نه ڪنت ڪه آ دگ ۽ آن لائن دوئیں جنگاں یکیں وهه ۽ ڪن آنت۔



نيپال ۽ سياسي بانڊات:

نيپال ۽ جنريشن زي ۽ آشوب چه زهرشانيان گيش نيپال ۽ ورنایانی سياسي بانڊات ۽ واسته بلاهين پيسله يے بوتگ۔ اے یک هنچیں گامگيے ات ڪه آئی ۽ اے گپ پڌر ڪٽ ڪه نيپالی ورنایا وتی آسودگی، آسراتیانی پچگرگ ۽ چنچو مهڪم بوت ڪن آنت۔ چاگردي رسانڪدر ۽ سره هڪومتی بندش جنگ ۽ پيسله ۽ چه دلگرانی ۽ ناامیتی يے جوڑ بوت ۽ ورنایاں همے زهر ۽ چه سرجمیں نيپال ۽ سياسي منظر نامہ ۽ جند مٿ ڪرت۔ چه زهرشانی ۽ مزن وزير ڪے پی اولی استعفیٰ دیگ ۽ لاچار بوت ۽ رسانڪدر ۽ سره جتگیں بندش دویر هلاس بوت۔ هما ورنایاں اے گپ منارینت ڪه نيپال ۽ سیاست وتی نوکیں پدريچ ۽ توار ۽ ابید هچ وڏ ۽ هلاس نه بیت۔ آؤکیں وهه ۽ نيپال ۽ سیاست همے نوڪ ۽ توانگریں ورنایانی وسيله ۽ جنزیت ۽ ساؤتھ ایشاء ۽ گہتری ۽ ته ۽ مزنیں بهرشته دینت۔ ورنایا هستیں سياسي گلاں گیشتر پلگارگ ۽ هساب گرگ ۽ هاتره زور وتی تاکت ۽ جنگ ۽ آنت ڪه کوهنیں پارٹیاں وتی جوڑشانی ته ۽ مٿ ۽ بدلی ڪنگی آنت، ورنایا هر جمہوری عمل ۽ بهر ڪنگی ۽ موہ دیگی آنت، ۽ ورنائیں رهشوناں سياسي گر ۽ داراں اوں جاه دیگی آنت۔ اگاں آ اے کار ۽ ڪنگ ۽ بے سوب به بنت گڑا ورنایانی سروکی ۽ نوکیں زرمبشتاں په آدگہ سياسي گلانی هاتر ۽ بهیار بوت ڪن آنت۔ یک دگہ مزنیں بدلی يے کرپشن ۽ بگیری ۽ کلیں نيپالی راج ۽ اوشنگ ۽ هستیں سرکار ۽ ڪمڪ ڪنگی آنت۔ دانڪه په نوکیں پدريچ ۽ کرپشن ايوك ۽ سياسي جيڑھے مه بیت بلکیں اخلاقی ۽ شعوری بے ایمانی

زانگ به بیت۔ اگاں نیپال اچ چوشین گپچلاں کشگی انت گڑا، سیاست چه ٹک، سیادی ء سرپرستی ء چه درکنگی ء ایوک ء تہنا نیپالی مہلوک مجگ ء کنگ ء آئی ء ہزمت کنگ به بیت۔ بازیں تجزیہ کارانی گشگ انت کہ چه برتانیہ ء در کپک ء رند اے نیپال ء مسترین آشوب بوتگ کہ آئی ء وسیلہ ء پہ زالبولان ہم درے پچ کنگ۔ نیپال ء اولی زالبولیں عبوری مزین وزیر ء گچین کنگ چیدگی سوہندی یے منگ بیت ء ایشی ء چه اے گپ دیم ء کیت کہ زالبول ء ہما مردم کہ پیسر ء چه سیاست ء دور دارگ بوتگ انت یک مزین کردے پیلو کن انت۔ آؤکیں وھداں سیاست ء شری ء گیشتر امکان ہست انت، زالبول راجانی نیمگ ء چه گیشتر مہکمیں توار ء جوڑ بوگ ء گوم ء دار انت۔ اے جہل ء برزیاں پد میان استمانی پڑ ء نیپال ء سیاست ء سرے گیشتر جم ایر کنگ بنت۔ ورناباں وت ء را دنیا ء دیم ء گون لائیو اسٹریم ء وائرل پوسٹانی وسیلگ ء سرجمین میان استمانی الس گون وت ء ہمگرنچ کنگ ء اے میان استمانی دلگوشی برجہ دارگ ء واسطہ جتائیں شوربندی ساچگی انت۔ سشیلا کرکی ء سرکار ء نوک گچین بوکیں سرکار ء سیادی گون چین ء ہندوستان ء درمیانی بیلنسے دارگ ء جہد ء کنگ لوٹیت، ء دومی نیمگ ء نیپال ء جند ء تہ ء وتی گہتری ء برجہ دارگ لوٹیت۔ نیپال ء واسطہ پہ دیمروہی ء سٹے کشک پہ گچین کنگ ء ہست انت۔ پرامیدیں راہ ہما انت کہ اد ء ورناتوتی واک ء ادارتی بنیادے بدے انت، پارٹیاں اصلاح بہ کن انت ء جمہوریت گیش مہکم بیت۔ درمیانی کشک ہما انت کہ اد ء اصلاحات نیم گادونگ بنت، بے بروسہی ء ہیال مان آنت ء سیاست داں ہدے ء مہکم بیت بلے سرجم ء بدل نہ بیت۔ سیمی راہ ہما انت کہ اد ء مزین تبک ء مردم بدلی ء دیم ء اوشتاگ انت، کرپشن برجہ بیت گڑا اے رنگ ء نہ آشوب کیت نہ مٹی ء آسودگی۔ ہر زوراک ء دیم داروک لس مہلوک بیت ء آ اے زلم ء پروش دیگ ء چه بندپتر ء یک ء تچکیں چیدگ انت۔ نیپال ء اگاں سیاسی ء مالی پڑا دیمروہی کنت گڑا آئی ء مسترین مانزمان ہمے ورنایاں گون وتی راج ء مہلوک ء ہمکاری ء ہمگرنچی بیت۔ اگاں نیپال ء جنریشن زی ء ورناتوتی ء سیاست ء تہ ء ہوار کنگ مہ بنت یک چیزے پڈر انت کہ سرکار استان ء ابید ورناباں جنرینت ء دیمروہی دات نہ کنت۔ جنریشن زی ء آشوب ء ڈیجیٹل ہک کانودی جیڑہانی تہ ء بدل کرتگ ملک ء سیاسی ء چاگردی زمہ داری آؤکیں وھد ء پہ جوابدہ کنگ ء جاڑیگ بنت۔

آسر:

نیپال ء جنریشن زی ء آشوب ایوک ء سوشل میڈیا ء بندش ء بگیری ء زہرسانی نہ بوتگ؛ اے پہ آؤکیں پدیریچاں زانت ء سرپدی یے ات کہ ملک ء سیاسی ندارگ ء نوکیں رنگے پیش داشت۔ مزین وزیر اولی ء استعفیٰ ء سرے زور دیگ ء ڈیجیٹل آزاتی دوہر بحال کنگ ء ورنایاں اے درشان کت کہ آدگہ واکدار ہمکاری ء رازی نہ انت۔ اے زہرسانیاں چه رھوت ء ہر روچگیں وسیلہ سیاسی گہگیری ء اوزارانی شکل ء بدل کت انت ء اے کار ء آیاں جوابدہ، راستی ء یکجہتی ء نیپال ء اسلیں وارس پیش داشت ء گون لس نیپالی راج ء یکیں پتر ء سرے نندگ ء ساڑی بوت انت۔ میان استمانی راجمان ء دیم ء اے زرمبشت ء نیپال ء جہد ء را گون دنیا ء ہمگرنچ کت ء اے گپ منارینت کہ آجوتی ء ہک ء گپ ء جنگ ء راجی سیمسراں چه باز آ دیم برگ لوٹیت دانکہ آؤکیں سرکار چین ء ہندوستان ء گوم ء سیادی ء گون دلگوشی ء ہم سنگ بہ کن انت۔ بلے آیاں میان استمانی جھت ء

سرپديں ورنایانی مدام دیمپانی ہم دیستگ انت، جهانى سیاست مرچی سرجم ء بدل بوگ ء انت ورنای
 چه پیر کماشیں رهشونان بے سدک انت هر چست ء ایراں وتی راجی نپانی بنیاد ء چار انت ء عمل
 کن انت پمیشکه مرچگیں دنیا چه جنزیشن زی ء انچوکیں کچے ء راه ء دگانی سرء دراھگ ترسے
 سرپد بنت۔ گڈ سرء همے گش آن دنیا ء سیاست مرچی ورنایانی دست ء روگ ء انت هر استان ء ته
 ء مرچی جنزیشن زی وتی کچ ء بستر ء هما زمینی راستیانی بنیاد ء وتی وشیں بندات ء لوٹ ء کنگ
 ء انت۔ اگان هبر بلوچ راج ء کیت گڑا من سرپد باں بلوچ ء سیاست هر دور ء زمانگ ء ورنایانی کوپگان
 بوتگ۔ آئی ء مزنیں بهرشته راجی آجوئی زرمبشت ء ته ء مان انت۔ بلے مرچگیں دنیا ء لوٹ سرجم
 ء مٹ انت ء پدا آجوئی لوٹوکیں راج اے گڑ ء منجیں سیاسی منظر نامگ ء ته ء وتی تاکت ء به زان
 انت ء بلوچ ء هستیں وهد ء سیاسی راستی ء لوٹاں گوں هورتی ء به چار انت ء گوں یکمشتی ء
 زورگیر ء بگیری ء وتی جنزیشن زی ء موبلاز به کن انت، آ مرچگیں ڈیجیٹل دور ء چاگردی رسانکدر
 ء وسیله ء بوت کنت، لثریچر ء زهرشانیانی وسیله ء





BALUCH STUDENTS ORGANIZATION AZAD

www.bsoazad.org